

LK Ságat: Eanangoddeodastussii gáibidit buoridemiid

Ráddehusa sosiála- ja dearvvašvuoda ođastusaid oktavuodas čadahuvvo maid eanangoddeodastus. SámiSoster -searvi lea iežas cealkámušain buktán ovdan fuola sámegielat bálvalusain ja bargan evttohusaid eanangoddeodastusevttohusa buorideapmin, muitala Lapin Kansa Ságat.



SámiSoster-searvvi ságadoalli Ristenrauna Magga Govva: Anneli Lappalainen / Yle Sápmi

Ráddehusa sosiála- ja dearvvašvuoda ođastusaid oktavuodas čadahuvvo maid eanangoddeodastus. Eanangottit váldet badjelasas viidát sode-bálvalusaid lassin iešguđege eará doaimmaid dego gádjundoaimma ja ealáhus-, johtolat- ja birasguovddáža doaimmaid. Dan dihte earret eará sode-áššiid mearridanváldi sirdása eret sámeaguovllu gielddain Lappi eanangoddái, muitala [Lapin Kansa Ságat](#).

Evttohusas Lappi eanangotti mearridanválddi boahhtevuodas geavaha eanangoddestivra ja -ráddi. Válljema várás ordnejuvvojit Lappi eanangoddeválggat.

SámiSoster -searvvi ságadoalli Ristenrauna Magga mielde sámeaguovllu gielddaid jietnamearri lea nu unni, ahte sáhtá eahpidit beasságo oktage ovddasteaddji davimus gielddaid jietnameriin eanangoddestivrii. SámiSoster -searvi lea iežas cealkámušain buktán ovdan fuola sámegielat bálvalusain ja evttohan, ahte sápmelaččaid ovddasteaddji Lappi eanangoddestivrii nammadivččii sámediggi.

Sámi giellalága galgá buoridit

Ráddehusa eanangoddeláhkaárvalusas evttohuvvo, ahte sámegielat bálvalusat ollašuhthtojuvvojit sámi giellalága vuodul. SámiSoster -searvi lea cealkámušastis evttohan buoret sánehámi, danin go virgeoapmahaččat dávjá dulkojit nu, ahte giellaláhka ii geatnegahte sin ordnet sámegielat bálvalusaid.

Ristenrauna Magga oaivvilda, ahte jos ráđđehus ii rievdat eanangoddeláhkaárvalusas sánige sámegiela bálvalusaid birra, dalle ferte ođasmahttit sámi giellalága nu, ahte dat čielgasit geatnegahtá maid sosiála- ja dearvvašvuodasuorggi ordnet sámegiela bálvalusaid.

Váikkuhanorgána ii leat doarvái

Láhkaárvalusas evttohuvo maid, ahte dakkár eanangottiide, main leat guovttegielat gielddat, galgá vuodđudit unnitlogugiela várás váikkuhandaibmaorgána. Dát mearkkaša, ahte Lappi eanangoddi vuodđuduvvo sámegiela váikkuhandaibmaorgána, muhto dasa ii addojuvvo makkárga mearridanváldi sámegiela bálvalusaide.

Dasa lassin láhkaárvalusa mielde sode-bálvalusaid ordnemis vástida Lappi eanangoddi ja daid buvttadeami várás vuodđuduvvo Lappi bálvalanlágqduš. SámiSoster -searvi gáibida, ahte sápmelaččaid ovddasteaddji galgá čohkkát bálvalanlágádusa stivrras.

– Stuorámuš fuolla lea, ahte sápmelaččaid váikkuhanvejolašvuodát hedjonit, eahpida Magga.

Maid sámediggi lea fuolas das, mo sámegiela bálvalusat váldojuvvojit vuhtii ja ollašuttuojuvvojit dán ođastusas. Sámedikki hálddahushoavda Pia Ruotsala mielde okta vejolaš čoavddus livčče vuodđudit sámegiela bálvalusaid koordinerema várás ovdamearkka bálvalanrávveaddji bargosaji.